

1869.

9. júlí.

oss virzt réttast að veita alþingi færi á að segja álit sitt um málefni þetta, áður en ráðið verður af, hvort að eigi að taka embættið af fyrir fullt og allt, og hið sama er og um ráðstafanir þær, sem kynni að mega gjöra til þess að bæta tekjur Snæfellsnessýslu með því að breyta lögsagnarumdæma-skiptunum á milli tæðrar sýslu og Mýra- og Hnappadalssýslu. Stjórnarráðinu hefir að vísu ekki borizt nein uppástunga frá Bergi amtmanni Thorberg um hið síðar nefnda atriðið fyrir þá sök, að hann varð fyrst að fá skýringar þær, sem hann þurfti til þess, en hann hefir verið látinn vita í bréfi dagsettu í dag, að málefni þessi muni verða lögð fyrir næsta alþingi, og beðinn um að vera undir það búinn að fá yður í hendur, herra stiptamtmaður, uppástungur um önnur skipti á milli Snæfellsnessýslu og Mýra- og Hnappadalssýslu.

Þér eruð því beðnir, herra stiptamtmaður, sem konungsfulltrúi á alþingi, er nú fer í hönd, að leggja fyrir alþingi til álita bæði uppástungu þá, sem að framan er á vikið, um skiptingu á Barðastrandarsýslu upp á milli Ísafjarðarsýslu og Dalasýslu, og uppástungu þá, sem Bergur amtmáður Thorberg kann að gjöra um önnur skipti á milli Snæfellsnessýslu og Mýra- og Hnappadalssýslu.

68. Bréf dómsmálastjórnarinnar til stiptamtmannsins og amtmannanna á Íslandi, um mælingu skipa frá bandafylkjunum í Norðurameríku.

16. júlí.

Samkvæmt skýrslu frá aðalskattastjórninni hefir hún heitið stjórn bandafylkjanna í Norðurameríku, að öll skip, sem þar eiga heima og hafa ameríkönsk skrásetningar-skýrteini (certificates of registry), skuli sleppa hjá að verða mæld um aptur í Danmörku og hjálendunum, en að tons-rúmmál það, sem stendur í tæðum skýrteinum, skuli tekið gilt.

Um leið og yður er kunngjört þetta, herra (tit.), eruð þér beðnir að segja þeim, sem í hlut eiga, fyrir þessu samkvæmt,

1869. 16. júlí. og eru yður send nokkur exemplör af umburðarbréfa-safni aðal-skattastjórnarinnar ^{1/1869}, þar sem tolltökustöðunum í staflíð a er sagt fyrir um þetta efni, og af umburðarbréfi til tolltökustað-anna nr. 4, dagsettu 28. f. m., um skipamælingar. Því skal við bætt, að þegar á að breyta tonsrúmmálinu, sem stendur í amerí-könsku skrásetningar-skýrteinunum, í kaupskipalestir, þá skal farið eftir reglum þeim, sem skýrt er frá í bréfi dómsmála-stjórnarinnar 24. nóvembermán. f. á. um skip frá Bretlandi hinu mikla.

27. júlí. 69. Bréf dómsmálastjórnarinnar til amtmannsins yfir norður- og austuramtinu, um skilning opins bréfs 29. ágústmán. 1862 um hegning fyrir illa meðferð á skepnum.

Í bréfi dagsettu 4. f. m. hafið þér, herra amtmaður, beiðzt vísbendingar frá dómsmálastjórninni um, hvort beita megi opnu bréfi 29. ágústmán. 1862, er lögleiðir á Íslandi lög 21. janúar-mán. 1857 um hegning fyrir illa meðferð á skepnum, gegn þeim, sem verða heyllausir sökum ótækrar ásetningar á hey sín, og annaðhvort fella skepnur sínar úr hor eða skera þær að fram komnar af fódurskortí.

Um þetta skal yður kunngjört yður til leiðbeiningar, að, með því að tæð opið bréf að eins mælir fyrir um hegningu fyrir þá, sem verða sekir um grimmdarfulla misþyrming eða aðra harðýðgis-fulla og miskunarlausa meðferð á skepnum, verður því að stjórn-arráðsins hyggju ekki beitt gegn þeim, sem verður heyllaus einasta vegna þess, að hann hefir óskynsamlega margar skepn-ur, og fyrir þá sök neyðist til annaðhvort að láta skepnur sínar falla úr hor, eða að skera þær niður að fram komnar af fód-urskortí. Að alþingi hafi einnig litið svona á málið, er auðsæð á frumvarpi til tilskipunar um illa meðferð á skepnum á Ís-landi, sem alþingi samdi, því að þar er sett sem skilyrði, að sá, sem í hlut á, ekki að eins drepi skepnur sínar úr hor með